

# «Noss candidat è cleramain il meglier»

Partida populara svizra dal Grischun

DA GION NUTEGN STGIER / ANR

■ **La pps haja il dretg d'avair suentar las elecziuns chantunalas in sez en la regenza. Quella dovra urgent in rinforz e predestinà per quel rinforzament saja be Walter Schlegel, il candidat da la pps.** A Domat, e quai en ina sala da la Chemia Ems, ha gi lieu la davosa radunanza da delegads da la pps avant las tschernas chantunalas. Preschents eran 111 delegads ed intgins giasts. *Heinz Brand*, il president da la pps grischuna, ha ditg che finalamain saja in pau dapli moviment en il cumbat electoral en vista a las elecziuns da la regenza e dal parlament chantunal. El taxescha sco positiv ch'il scandal da cartel da pretschs da varsaquants impressaris da construcziun saja vegnì public, uschia haja er il cumbat electoral retschet il schlantsch basignavel. La populaziun haja il dretg da savair da quella realitad er per savair a tge candidats dar la vusch u betg. La regenza dovra urgent umens solids, serius, capa-vels e cunzunt sincers. In che correspun- da a quella caratteristica saja bunamain be *Walter Schlegel*, ha ditg Brand. La pps vegnia segir a guardar cun eglis critics sin l'agir da la regenza en connex cun il cartel da preschs dals imperissaris da l'Engiadina Bassa.

## Sin noss candidat è fixà il radar

La concorrenza haja fixà il radar sin il candidat dalla pps *Walter Schlegel* e guardia simplamian da chattar tar el insanua in «tatg cotschen» per impedir sia elecziun. Cun sa retrer *Andreas Felix* sco candidat per la regenza, in dals candidats da la pbd, tutga la represchentan-za dubla



Na be plds fins da *Heinz Brand*, il president da la pps grischuna, cunter las autras partidas.

FOTO G. N. STGIER

da la pbd en l'executiva chantunala per adina al passà. Er la pcd n'haja en nagin cas il dretg d'esser represchentan-za en la regenza cun dus cussegliers guvernativs. La regenza haja basegn dad in'otra cumposiziun da las partidas e tar ina da quella tutga segir la pps, ha ditg Brand. La partida cun la pli gronda cumpart d'electurs haja er il dretg da far part dal parlament grischun cun ina gronda e ferma fracziun. Cuntrari ad autras partidas ha-

ja la pps strusch ina «bara en tschaler», ha punctuà il president da la pps grischuna. El ha er ditg ch'in magistrat haja tut au-ter che simpel da vegnir elegì en la regen-za, dentant in emploià dal chantun cun in profil e cun ina experienscha profes-siunala sco *Schlegel* tutgia en la regenza.

## Senza char armà

Da tuttas varts vegnia bain supponì che la pps sajettia gist ussa cun chars armads

sin las autras partidas, dentant quai saja betg uschia, ha accentuà Brand. La pps cuntinueschia cun in fair cumbat electo-ral, il candidat per la regenza ed er ils can-didats per il cussegl grond duajan far ble-ras vuschs pervia da la politica correcta, reala e cun star tar il tema. I na saja in-summa betg la moda e maniera da la pps da sajettar sin autras partidas. Brand ha ditg che da sperar saja che tar ina betg elecziun da *Schlegel* deploreschia il suve-

ran grischun da na avair dà ad el la vusch. *Valérie Favre Accola*, la manadra dal cum-bat electoral, ha ditg che da preschent fiss la populaziun grischuna cuntenta d'avair elegì il 2014 Brand en la regenza empè dad auters candidats.

## Be nossa partida s'engascha per ils dretgs

A pled è er vegnida cussegliera naziunala *Magdalena Martullo*. Ella ha ditg che sche la pps na fissa betg, lura vessia l'U-niun europeica gia daditg surpiglià en Svizra il «commando». Er quai che per-tutga la dretgira s'engascha la pps per ils dretgs da la Svizra. I sappia strusch esser ch'ils dretgs internaziunals hajan dapli muntada ch'ils dretgs svizzers, che nossa democrazia e neutralitad. Ils dretgs da noss pajais e l'Uniun europeica vegnian er en in onn ad esser il tema central da la pps per avair success tar las elecziuns fe-deralas. Avant quella sajan tut las parti-das cunter l'Europa e strusch che las elec-zions tutgian al passà lessian las autras partidas cun excepziun da la pps sa reunir cun l'Europa, ha ditg Martullo.

## Duas giadas «NA»

Già da decider ha la pps er las parolas en vista a las votaziuns federalas dals 10 da zercladur 2018. Davart la votaziun da la lescha gieus per daners han referì cusse-glier dals chantuns *Stefan Engler* (pcd) per l'iniziativa e cusseglier naziunal *Lukas Reimann* (pps) cunter. Il delegads han decidì da refusar la lescha cun 87:13 vuschs, quai cuntrari a la partida svizra ch'aveva decidì la libertad da votar. «NA» di la pps grischuna er a l'iniziativa per in daner cumplain.